

Lus Tshaj Tawm Txog Kev Pom Zoo Ob Feem Peb Ntawm Tsab Cai Hauv Rooj Plaub

Keeb Kwm Txog Rooj Plaub: Cov kws lij choj rau lub koom haum ACLU, ALC, thiab Covington & Burling sawv cev mus foob peb (3) tsab cai uas iab liam tias Lub Xeev (County) tau ua tsis raug cai. 1) Kev hem thiab ua kev ntxhov siab thiab tshawb tsheb tsis raws cai thaum tub ceev xwm nres tsheb 2) Kev ua tsab ntawv los tuav thaj av tsis raug cai. 3) Kev txwv tsis pub neeg Es Xias Asmesliskas tau dej siv.

Lus Qhia Txog Kev Pom Zoo Ntawm Ob Tog: Ob tog tau hais haum thiab pom zoo ob feem peb ntawm tsab cai hauv rooj plaub no, uas yuav tsum muaj kev hloov pauv ntawm cov Tub Ceev Xwm (Sheriff) txoj kev nres tsheb thiab txwv tsis pub ua tsab ntawv los tuav tib neeg thaj av tsis raug cai. ***Rooj plaub hais txog kev txwv tsis pub neeg tau dej rau zej zog yuav mus txuas ntxiv rau hauv tsev hais plaub.*** Hauv qab no yog cov ntsiab lus tseem ceeb ntawm cov lus hais haum thiab pom zoo ntawm ob tog nrog rau cov lus teb yooj yim txog qhov no ho dav thiab nqaim npaum li cas.

Kev Nres Tsheb

Kev pom zoo ntawm ob tog no yuav yuam cov ***Tub Ceev Xwm (Sheriff) kom lawv yuav tsum ua raws li cov txheej txheem nres tsheb tshiab los ntawm lub tsev hais plaub.*** Cov kws li choj sawv cev hais rooj plaub no thiab ib tug neeg sab nraud uas tsis tuaj leej twg tog yuav pab saib xyuas thiab tswj cov tub ceev xwm hais txog kev nres tsheb. Yog tias muaj teeb meem hais txog kev ua raws li cov lus tau hais haum tseg no, Lub Tsev Hais Plaub tseem muaj peev xwm saib xyuas thiab tswj txoj cai, thiab peb tseem mus thov tau kom Lub Tsev Hais Plaub yuam lawv ua raws li cov lus pom zoo los ntawm ob tog.

- Txoj cai txwv tsis pub lawv nres tsheb los ntawm kev xaiv ntsej xaiv muag lossis haiv neeg (race-based stops), yuav tsum muab txhua yam uas tshwm sim sau cia, thiab tiv thaiv qee yam ntawm kev xwj thaum lawv nres tsheb.
- Cov tub ceev xwm yuav tsum siv lub koob thaij duab thaij thaum pib mus rau thaum xaus thaum lawv los nres tsheb (tabsis muaj qee yam lawv tsis thas kaw tag nrho).
- Thaum lawv nres tsheb yuav tsis pub ntev tshaj li qhov tsim nyog thiab kev tshawb fawb ntau tshaj thiab tsis pub cov tub ceev xwm nug cov lus lossis xwj ntxiv txog lwm yam uas tsis raug lub ntsiab nres tsheb, yuav tsum yog muaj puav pheej txaus uas koj txhaum cai lawv thiaj li muaj cai ua tau li ntawd.
- Cov tub ceev xwm yuav tsum qhia rau tus neeg uas nres ntawd hais tias nws muaj cai tsis tso cai rau kev tshawb nws lub tsheb lossis khoom ntiag tus, thiab yuav tsis muaj txoj cai nug kom ib tug neeg tsis paub lus Askiv tso cai rau kev tshawb yog tsis muaj tus txhais lus rau nws.

KEV SAIB XYUAS THIAB KEV TSWJ

- Thaum rooj plaub sib foob hais txog dej tseem tsis tau tiav, kev saib xyuas cov tub ceev xwm yuav poob rau cov kws lij choj uas sawv cev rau cov neeg foob rooj plaub no thiab mam mus thov kom Lub Tsev Hais Plaub yuam tog sab tov kom lawv ua raws li cov lus pom zoo los ntawm ob tog no.
- Thaum hais rooj plaub tiav tas, yuav muaj ib tug neeg soj ntsuam sab nraud los mus saib xyuas txog cov txheej txheem kev nres tsheb raws txoj cai li ntev li plaub (4) xyoo.
- Lub Tsev Hais Plaub muaj cai txo qis lub sijhawm no kom luv dua, lossis rub kom lub sijhawm ntev dua yog tias cov tub ceev xwm (Sheriff) tsis ua raws li cov txheej txheem nres tsheb.
- Tus neeg soj ntsuam sab nraud yuav muaj cai mus tshawb Tub Ceev Xwm (Sheriff) cov ntaub ntawv, suav nrog cov ntaub ntawv txog kev nres tsheb, thiab tus neeg soj ntsuam sab nraud yuav tsum tuav ib lub rooj sib tham rau cov pej xeeb tuaj tham ob (2) zaug txhua ib lus xyoo.
- Txhua txhua xyoo tus neeg soj ntsuam sab nraud yuav tsum sau ib daig ntawv ob (2) zaug tauj ib xyoo qhia seb cov tub ceev xwm puas ua raws li txoj cai thiab yog lawv tsis ua no, tawm tswv yim qhia hais tias lawv yuav tsum ua tej yam dabtsi kom zoo zog.

SIJ HAWM SIV

- Tom qab muaj kev pom zoo los ntawm ob tog rau kev txiav txim rau rooj plaub no, cov Tub Ceev Xwm (Sheriff) muaj **peb (3) lub hlis** los cob thiab qhuab qhia lawv cov tub ceev xwm txog cov txheej txheem tshiab no.

TSAB NTAUV TUAV THAJ AV (LIENS)

- Peb tau iab liam hais tias lub Xeev (County) tau ua txhaum cai thaum lawv xa tsab ntawv tuav tib neeg thaj av thiab yuam kom muab tau lawv thaj av muag (foreclose) yog lawv tsis them cov nqi uas lawv raug nplua.
- Lub Xeev (County) kuj tau muab tag nrho cov ntaub ntawv uas lawv tuav tib neeg thaj av uas txhaum cai tshem tawm vim yog los ntawm rooj plaub sib foob no, thiab lawv pom zoo tsis txhob ua cov ntaub ntawv tuav tib neeg thaj av no ntxiv lawm (yuav tsum yog hais tias, yav tom ntej no, yog Lub Lav California hloov lawv txoj cai lij choj uas lawv tso cai rau Lub Xeev (County) ua, mas lawv mam thiaj li ua tau dua xwb).

COV LUS HAIS TXOG NYIAJ TXIAG

Lub hom phiaj tseem ceeb ntawm rooj plaub no yog kom Lub Xeev (County) hloov nws tus cwj pwm, tsis yog kom yeej ib pob nyiaj. Tab sis, muaj qee los lus ntawm kev hais haum ntawm rooj plaub uas hais txog nyiaj txiag.

- Lub Xeev (County) yuav raug them tus nqi rau tus neeg soj ntsuam sab nraud.
- Lub Xeev (County) yuav them \$350,000 rau cov koom haum ua los hais rooj plaub ntug pub dawb no, lawv cov nqi thiab cov sijhawm ntawm cov kws lij choj. Tus nqi mus foob rooj plaub no raug ntau tshaj li cov nyiaj lawv yuav them ntawm no. Cov nqi lawv them no yog rau kev txhais lus, kev noj haus, kev xoj tsheb thiab chaw pw, thiab lwm yam nqi hais plaub ntug xwb .

- Tej zaum Lub Xeev (County) tseem yuav tsum raug them cov kws lij choj lub sij hawm uas lawv yuav tsum tau soj ntsuam thiab tswj kev txiav plaub ntug rau yav tom ntej.
- Peb tug tib neeg uas muaj npe nyob hauv rooj plaub no yuav tau txais ib qho nyiaj pauv zog me me (modest “service awards”) los them rau lawv lub sij hawm thiab dag zog. Yog li ntawd, Lub Xeev pom zoo los zam txim thiab tshem taum cov nqi nplua rau ob tug tib neeg uas muaj npe rau hauv rooj plaub no, ntxiv mus, tus tib neeg thib peb yuav tau txais \$2,000.

Dab Tsi Yuav Tshwm Sim Yav Tom Ntej: Cov kws lij choj hauv cov koom haum no tseem yuav hais plaub ntxiv rau tsab cai hais txog dej thiab kev siv dej kom txog thaum rooj plaub no hais tiav. Peb tseem yuav saib ntsoov Lub Xeev kom lawv ua raws li cov lus pom zoo los ntawm ob tog no. **Nws tseem ceeb heev kom cov neeg uas raug tub ceev xwm (Sheriff) nres tsheb tsis raug cai tuaj qhia ntxiv rau peb yog lawv raug nres tsheb tsis raws cai yav tom ntej,** vim qhov no yuav pab tau peb los tswj kom lawv ua raws li cov lus pom zoo los ntawm ob tog. Peb yuav npaj ib lub rooj sib tham rau cov pej xeem tuaj koom mloog peb cov lus qhia ntxiv txog ntawm kev pom zoo los ntawm ob tog no thiab yuav muab sij hawm rau nej nug txog cov lus pom zoo los ntawm ob tog hauv rooj plaub no. Yog koj muaj lus nug, xav paub ntxiv txog cov lus ntawm no, thov hu tuaj rau peb. Koj tuaj yeem tiv tauj peb ntawm 628-264-4516.